

ՄՐԲԼՈՒՅՍ ՄՅՈՒՌՈՆ,

(ԿԱՆՈՆԱՅՄԱՆ ՊԱՏՄՈՒԹՅՈՒՆԸ, ՕՐՀՆՈՒԹՅԱՆ ԸՆԹԱՅԷԸ ԵՎ
ԺՈՂՈՎՐԴԱՅԻՆ ՊԱՇՏԱՄՈՒՆԷԸ)

ԿԱՆՈՆԱՅՄԱՆ ՊԱՏՄՈՒԹՅՈՒՆԸ

Հայաստանյայց Առաքելական Սուրբ Եկեղեցում Սրբալույս Մյուտոմի օրհնության իրավունքը վերապահված է Ամենայն Հայոց Կաթողիկոսին: Մեծի Տանն Կիլիկիո Կաթողիկոսի, իմպատ մաև ժամամակի Աղվամից և Աղթամարի կաթողիկոսների օրհնած Մյուտոմը քաշխվել է միայն մրամց իրավասության մերքո գտնվող թեմերին:

Որ մեր Եկեղեցու պատմության առաջին իսկ դարերից Սրբալույս Մյուտոմն օրհնելու իրավունքը բացառապես Հայոց Հայրապետն է ունեցել և օրհնության կամոնն էլ ու պատրաստության համար գործածվող մյուսերն էլ համընկնում են դարերի ընթացքում ամբողջացած կամոնին, վկայում են պատմական ու ձեռագրական հիշատակությունները:

Այսպես 604 թ., երբ մահանում է ձերումագարդ Մովսես Բ Եղիվարդեցին՝ գահակալել է /574-604/, Կաթողիկոսական գահը երեք տարի թափուր է մնում: 607 թ. գումարված ժողովում մոր հայրապետ է ըմտրվում Աբրահամ Ա Աղթաթամեցին /607-615/: Մովսես Կաթողիկոսի մահից հետո Մյուտոմ չէր օրհնվել և Վրթաճես վարդապետի տեղապահության օրոք եկեղեցիներին բաժանվել էր վախճանված կաթողիկոսի օրոք օրհնված Մյուտոմը: Աբրահամ Ա Աղթաթամեցին, ըմտրությունից աճմիջապես հետո, փառաշուք համոզությամբ կատարում է Մյուտոմի օրհնություն և հաջորդ օրը քաշխում հավաքված հոգևորականներին, և մրամց այն տանում են իրենց հովվության մերքո գտնվող վիճակները¹:

Երիցս կարևորվում է Ուխտամեսի «Պատմությամբ» վկայված այս դրվագը: Նախ, որ ասվում է, թե եպիսկոպոսները և Կաթողիկոսական տեղապահը գործածում են միայն համգուցյալ կաթողիկոսի օրհնած մյուտոմը, իսկ մոր օրհնությունը կատարում է մոր ըմտրված հայրապետը: Երկրորդ՝ օրհնության մկարագրությունը, թե մախ Վրթամես տեղապահը «իւղագործաց արուեստի» համաձայն մախօրոք պատրաստել էր «Օծութեամ իտլ», որը գիշերային հսկումից և պաշտոն կատարելուց հետո, օրհնվեց հաջորդ օրը, իր ընթացքով համապատասխանում է օրհնության ավանդական կամոնին: Եվ վերջապես երրորդ՝ մյուտոմի այս օրհնությունը առանձնակի խորհուրդ ուներ. մորըմտի հայրապետի առջև Հայ Եկեղեցում տրված հավատարմության իրենց ուխտը վերահաստատեցին այն հոգևորականները, ովքեր արտաքին ճնշումների պատճառով առժամանակ եմթարկվել էին բյուզանդական ազդեցությամբ և օրհնության հաջորդ օրը, զմայով իրենց թեմերը, հայոց կաթողիկոսամիստ կենտրոնից տարան և Ս. Միտոմը: Սա առաջին մվիրական վկայությունն է մի քանի կայսրությունների միջև բաժան-

¹ Տե՛ս Ուխտամես եպիսկոպոս, «Պատմություն Հայոց», Վաղարշապատ, 1881, էջ 67:

բաժան եղած և տարբեր զաղթավայրերում ցրված հայ ժողովրդի սրբալույս մյուտոնով մեկտեղվելու և հոգևոր միաձուլվ մի ամբողջություն դառնալու, որը հետագայում բազմիցս շեշտվելու էր թե՛ մեր հայրապետների և թե՛ մատենագիրների կողմից:

Որ մյուտոնի օրհմությունը կարող է միայն կաթողիկոսը կատարել, հստակորեն ասվում է Հովման Գ Օձնեցու /1717-1728/ սահմանած կանոններում. «Պարտ և արժան է զսուրբ միտոնն, այսինքն է՝ զիւղն անուշահոտութեան, հայրապետին արհմել»²:

Օձնեցուց մի քանի տասնամյակ անց Սիոն Ա կաթողիկոսի /1767-1775/ կամ Պարտավի ժողովի կանոնախմբում վերստին պատվիրվում է. «Եպիսկոպոսունք մի՛ իշխեսցեն միտոն արհմել կամ յաւելուած առնել եւ տալ քահանայից, այլ ամ յամէ ի հայրապետանոցէմ առցեն ըստ կանոնական հրամանի սուրբ հարց»³: Հատկանշական է նաև հետևյալ դեպքը: 10-րդ դարում, երբ Սյունյաց Հակոբ եպիսկոպոսը հրաժարվում է եմթարկվել Ամանիա Ա Մոկացի /946-968/ կաթողիկոսին, այնուամենայնիվ, չի համարձակվում ինքը մյուտոն օրհմել, այլ այն բերում է Աղվանից կաթողիկոսությունից⁴: Այսինքն՝ չհնազանդվելով ժամանակի հայրապետին, այնուամենայնիվ, չի հանդգնում խախտել Հայ Եկեղեցու կողմից սրբագործված կարգը և մյուտոն օրհմել, այլ գործածում է թեկուզև Աղվանից, սակայն կաթողիկոսի ձեռքով օրհմվածը:

Ներսես Լամբրոնացիին ևս «Խորհրդածութիւնք ի կարգ եկեղեցւոյ» աշխատանքում մյուտոնի օրհմությունը Հայ Եկեղեցում վերապահում է քացառապես կաթողիկոսին: Ներկայացնելով հոգևոր դասի տարբեր աստիճանների ունեցած իրավասությունները, կաթողիկոսի համար էլ գրում է. «Ընդ ամենայն տեղիս՝ ուր ազգքն իւր և համացեղք՝ եմ, ունի իշխանութիւն ձեռնադրել մոցա եպիսկոպոս և տալ զմիտոնն, վասն այնորիկ ամուսնի և կաթողիկոս»⁵:

Հայ ժողովուրդը, լինելով աշխարհում բոլորից շատ ցրված քրիստոնյա ազգը և չունենալով միասնական քաղաքական կենտրոն, այն փոխարինում է Հայ Եկեղեցիով՝ աշխարհասփյուռ հայությանը միավորող հոգևոր շաղախ համարելով սրբալույս մյուտոնը, որը կաթողիկոսանիստ կենտրոնից օրհմվում և տարածվում էր ձեռամբ հայոց ընդհանրական Հայրապետի: Մեր եկեղեցական պատմության մոտ շրջանի ամենապայծառ հոգևորականներից կարապետ եպիսկոպոս Տեր-Մկրտչյանի խորունկ բնորոշմամբ. «Մեզանում, հայրապետական իշխանությունն սկզբից ևեթ այնպիսի կենտրոնացնող ուժ ուներ և մանավանդ քաղաքական իշխանության անկումից հետո այնպիսի հեղինակություն ստացավ ամբողջ ազգության աչքում, որ Ս. Մյուտոնի մեջ մարմնացող շնորհաբաշխության իրավունքը՝ իբրև հոգևոր կոչման բարձրագույն արտոնություն, ըստինքյան պետք է կենտրոնացար հանձնի հայրապետի»⁶:

Մյուտոնի օրհմության կանոնը՝ «Կանոն օրհմութեամ սրբալույս մետոնին» ավանդվել է Հայ Եկեղեցու «Մաշտոց» ծիսարամի միջոցով: Չմայած պահպան-

² «Կանոնագիրք հայոց», աշխատասիրությամբ Վ. Հակոբյանի, հ. Ա, Երևան, 1964, էջ 519:

³ Նշված աշխատությունը, հ. Բ, Երևան, 1971, էջ 7:

⁴ Տե՛ս Արարատ, 1897, էջ 364:

⁵ Ներսես Լամբրոնացի, Խորհրդածութիւնք ի կարգ եկեղեցւոյ, Վենետիկ, 1847, էջ 89:

⁶ Կարապետ եպիսկոպոս, «Ս. Մյուտոնը», Էջմիածին, 1912, էջ 18:

վել և մեզ եմ հասել մինչև 13-րդ դարը գրված մի քանի տասնյակ «Մաշտոցներ», սակայն մրանցում մյուստնի օրինության կանոնը բացակայում է. թեև օրինության նկարագրությանը իմչպես ասացիք համոզիպում եմ դեռևս Ուխտամեսի պատմությունում: Այս իրողությունը բացատրվում է Հայ Եկեղեցու պատմության և հայ ձեռագրային աշխարհի մի քանի յուրահատկություններով:

Ըստ «Մաշտոց» ծիսարարի կաթողիկոսին վերապահված կանոնները երեքն են՝ մյուստնի օրինություն, եպիսկոպոսական ձեռնադրություն և թագավորի օրինություն: Այս երեք կանոնները, իմչպես մահ կաթողիկոսի ձեռնադրման և օծման կանոնը ի մի գումարվելով, կազմում են կաթողիկոսական «Մաշտոցը»: Հիշյալ կանոնները բավականին քիչ են համոզիպում հատկապես մինչև 15-րդ դարի կեսը գրված ձեռագրերում, որը բացատրվում է հոգևոր խորհրդաբանական և ազգային-քաղաքական պատճառներով:

Հոգևոր առումով մյուստնի խորհուրդը ծածկյալ խորհուրդ էր համարվում վերապահված կաթողիկոսին և օրինությանը մասնակցող բարձրաստիճան հոգևորականներին: Նույնը վերաբերում է և կաթողիկոսական ձեռնադրությանն ու օծմանը: Հոգևոր այս խորհրդից առավել ազգային-քաղաքական շեշտված պատճառներ կային կաթողիկոսական ձեռնադրման ու մյուստնի օրինության կանոնները կաթողիկոսարանում առանձին և անգամ ծածուկ պահելու: Սկսյալ չորրորդ և հատկապես հինգերորդ դարից, բյուզանդական կայսրերն ու պարսից թագավորները, այնուհետև մահ Հայաստանի տիրող մյուս ուժերը փորձել են ուժով և բռնությամբ Հուսավորչի գահին մատնել իրենց հաճո և ընդունելի ամարժան որևէ մեկին, կամ էլ հակաթոռ մի որևէ կաթողիկոսություն հաստատել:

Երկու պարագայում էլ, որպեսզի կաթողիկոս ընտրելը չսահմանափակվի միայն պարզ ընտրությամբ, քրիստոնյա աշխարհում ընդունված սարկավագական, քահանայական ու եպիսկոպոսական ձեռնադրությանը զուգահեռ մեր եկեղեցին սահմանել է մահ կաթողիկոսական ձեռնադրության կանոնը: Որոշակի ծես և որոշյալ թվով եպիսկոպոսներ պահանջող այս կանոնը մեծապես օգնում էր անվավեր համարելու արտաքին ուժային միջամտությանը որևէ մեկին հայոց կաթողիկոսության գահին մատնելու փորձերը, իմչպես մահ առանձնահատուկ կերպով շեշտում էր Հայ Եկեղեցու և հայ ժողովրդի համար հայոց հայրապետի ունեցած դիրքն ու աստիճանի կարևորությունը և ազգային միությանը:

Նույն կերպ մյուստնի օրինության կանոնն է առանձին պահվել, որպեսզի մախ որևէ եպիսկոպոս կամ քահանա չհանդգնի օրինել այն, իմչպես մի քանի անգամ զգուշացվում է «Կանոնագիրք Հայոց»-ում զետեղված կանոններում, իմչպես մահ հակաթոռ կամ բռնությամբ կաթողիկոս կարգված մեկը մահ փորձ չկատարի, այլ այն օրինի միայն օրինապես ընտրված և Հայ Եկեղեցու ծեսով ձեռնադրված ու օծված կաթողիկոսը:

Ահա թե՛ այս և թե՛ հազվադեպ՝ ընտրությունից ընտրություն և օրինությունից օրինություն միայն գործածվելու, իմչպես մահ զգուշության ու կաթողիկոսարանից դուրս չկիրառվելու պատճառով, դրանք չեն ընդօրինակվել «Մաշտոց» ծիսարարի մյուս կանոնների շարքում:

Այս առումով հատկանշական է Վենետիկի Մխիթարյանների Ժ դարի ընտիր և ծավալում «Մաշտոցը», որի 30-րդ կանոնը մվիրված է մյուստնի օրինությանը՝

«Կամոն խորհրդածութեան սուրբ իտլոյն /ստ. լուս. վրա «Միտոն արհմելոյ»/, զոր միտոն կոչեն»⁷:

Կամոնի անվանումից հետո, սակայն, ընդօրինակողը քում կամոնը քերելու փոխարեն գրում է «Բայց մեք ոչ իշխենք գրել զի մի՛ անհնազանդ գտանդիցիմք Սուրբ Լուսատրչի աթոռոյն և մեծի հայրապետին մերոյ»⁸: Այսինքն՝ գրիչը չի համարձակվում ընդօրինակել, քանի որ այն փաստորեն փակ կամոն էր, որը ամոտենել, կծառնակեր անհնազանդ գտնվել հայոց հայրապետի կամքին: Հատկանշական է, որ գրիչը չի գրում իր ժամանակի կաթողիկոսի անունը, այլ ասում է հայրապետին, այսինքն՝ այս կամոնի ընդօրինակումը ավանդաբար դեմ է եղել հայոց հայրապետների կամքին: Մյուտոնի օրհնության կարգը առանձին պահելու եկեղեցական ավանդույթը այնքան ուժեղ էր, որ այն ծնող ազգային-քաղաքական ու եկեղեցա-իրավական նախադրյալների վերացումից դարեր անց էլ 1876 թ. Գևորգ Դ Մեծագործ կաթողիկոսը այս կամոնը տպագրեց սահմանափակ քանակով և հատուկ կարգադրեց, որ այն պահվի միայն Մայր Աթոռում:

Մյուտոնի օրհնության կամոն ունեցող առայժմ հայտնի ամենահինագույն ձեռագիրը՝ Կիլիկիո կաթողիկոսարանի Մայր Մաշտոցն է՝ ընդօրինակված Կոստանդին կաթողիկոսի հրամանով 1311 թվականից առաջ՝ Ներսես Լամբրոմացու ձեռքով գրված օրհնակից: Հատկանշական է, որ այս ձեռագիրը ևս կաթողիկոսական «Մաշտոց» է և պարունակում է միայն կաթողիկոսին վերապահված կանոնները, որը մեկ անգամ ևս վկայում է, թե այս շրջանում Մյուտոնի օրհնության և կաթողիկոսի ձեռնադրության կանոնները զիսավորաբար զետեղվել են միայն կաթողիկոսական «Մաշտոցներում»՝ հիշյալ չորս կանոնների շարքում:

Ներսես Լամբրոմացին էլ, որոշակի խմբագրման և հավելման ենթարկելով հանդերձ «Մաշտոց» ծիսարարը, մյուտոնի օրհնության պարագայում ևս որպես հիմք ամշուշտ ունեցել է մեկ այլ ավելի հին և ընտիր ձեռագիր: Մխիթարյան հայրերից՝ Վարդան Հացունու ընդունմամբ, Տարսոնի եպիսկոպոսի՝ Ներսես Լամբրոմացու ձեռքով գրված այս «Մաշտոցը» քննելիս «եթե ուշադրությամբ մայինք յուր բովանդակության, ամոր աղոթից մեջ պիտի նշմարենք հայերեն լեզվի հնագույն դրոշմ մը քան զԼամբրոմացին», և այդ հնագույն դրոշմը հասցնում է միմյն և՛ դար⁹:

ՕՐՀՆՈՒԹՅԱՆ ԸՆԹԱՐԿՈՒՄ

Օրհնության սկզբում մախ եպիսկոպոսները ընթերցում են աստվածաշնչային տարբեր հատվածներ, որոնց հաջորդում են մողերը՝ օրհնության հետագա ընթացքում: Այս ընթերցվածները մվիրված են ձիթենում, օծության սուրբ յուղին, նրա պատրաստությամբ, հոգևոր ու մաքրագարտող շնորհիմ ու գործածությամբ: Այնուհետև հատուկ աղոթքներ է կարդում Վեհափառ Հայրապետը, որոնցով հայցում է, որ Ս. Հոգին հաճոյի այս յուղի մեջ և սրբացնի այն, որպեսզի մրանով օծվածներն ստանան Սուրբ Հոգու շնորհը:

Այս շարքը սկսվում է «Աստուած, որ տուիչդ ես ամենայն քարոթեանց» աղոթքով, որում Վեհափառը խնդրում է, որ Ամենակալն Աստված հաճի ընդունել «գիտունկ գայս ի հոտ ամուշից և ի բուրումն քաղցրութեան», և Սուրբ Հոգու

⁷ Մայր Յուզակ հայերեն ձեռագրաց Մատենադարանին Մխիթարեանց ի վեճեռիկ, Բ. Գ., վեճեռիկ, 1966, էջ 35:

⁸ Նույն տեղում:

⁹ Վարդան Հացունի, Կաթողիկոսական ընտրություն . . . ժողովություն պատմության մեջ, վեճեռիկ, 1930, էջ 129:

շնորհները առաքի, որ արժանավորությամբ կատարվի մեռնի օրհնությունը «գործառնամայագործենք հրամանաւ» ք. սուրբ առաքյալների:

«Աստուած հարց և Տէր ողորմութեամ» աղոթքում էլ Մյուտոնի գլխավոր բաղադրանքների՝ ձիթեմու համար, աստվածային ողորմությունն է հայցվում. «Առաքեա զպարարտութիւն ողորմութեամ քո ի պտուղ ձիթեմույս այսորիկ»:

Հաջորդ «Սուրբ սրբոց և ամենայն սրբութեանց տոփչ» աղոթքում հիշվում է, թե ինչպես Մովսէսը օծման համար Աստուծո պատվերով յուղ պատրաստեց և ասվում է, որ Սուրբ Հոգին գա և հանգչի նաև այս յուղի մեջ և սրբագործի այն:

«Տէր Աստուած, որ մեծդ ես և սքանչելի ի փառս քո» աղոթքում էլ Հայրապետը խնդրում է, որ Հիսուսի արյամբ զնված ժողովրդին օծելու համար պատրաստված յուղը լիմի սրբության ճշմանակ և Սուրբ Հոգու զորությամբ յուղն այս դառնա յուղ ցնծության և զգեստ լուսավոր:

Օծման յուղի միջոցով քրիստոնյային իր հավատում հաստատուն պահելու կարևորությունն է շեշտվում «Դարձյալ մատուցանենք քեզ թագաւոր յափտեմակամ» աղոթքում:

Այնուհետև, Աստվածաշնչային մի քանի ըմբերցվածներից հետո հնչում է մյուտոնօրհնության «Որ յառաջագոյն յօրէնս...» շարականը, որում, «Երգ երգոցի» հետևողությամբ, Քրիստոսն անվանվում է «իւղ թափեալ» և ասվում է, թե քո աստվածությունը որպէս յուղ թափեցիր երկնքից և նրանով օծեցիր մարդկային բնությունը՝ միավորվելով նրա հետ և մուլց կերպ դիմվում է Փրկչին, որ երկնային Իր շնորհը հեղի այս յուղի մեջ: Նույն խնդրանքն է կրկնվում նաև «Հայր Ամենակալ» սկսվածքով մյուտոնօրհնության մեղեդիում:

Աստվածաշնչային մոր ըմբերցվածներին հաջորդում է Ներսէս Շմորեալու «Նոր օրհնութիւն ընդ հայցուածոց մաղթանաց» քարոզը, որից հետո կարդացվում է «Տէր ողորմութեամ, Հայր լուսոյ և աղբիւր ամենայն բարութեանց» աղոթքը, ապա Հայրապետը կատարում է մյուտոնի նյութի երդմնեցությունը՝ «երդմնեցուցանեմ զքեզ միւր ձիթոյ», ասելով, որ եթե քո մեջ կա սատանայի և չարության ներգործությունը, այն ամբողջովին թող հեռանա քեզմից, որպէսզի օրհնությամբ զորացնես օծյալին, նրա մեջ տպավորելով /դրոշմելով/ Սուրբ Հոգին՝ համուն Հոր Ամենակարողի և Որդու՝ մեր Տեր Հիսուս Քրիստոսի:

Ձիթեմու յուղի երդմնեցմանը հաջորդող աղոթքը նվիրված է «սաղարթագուարթ» ձիթեմուն, որը ուրախության պտուղ է ըստ սաղմոսեբգութի՝ Դավիթ մարգարեի: Հիշվում է Նոյի ուղարկած աղավնու քերած ձիթեմու ճյուղը: Ասվում է, որ ինչպես ջրհեղեղը սրբեց աշխարհի մեղքերը և ինչպես ջրհեղեղից հետո աստվածային հաշտության ճշմանը ձիթեմու ճյուղը եղավ, այնպես էլ մկրտության ժամանակ մուլց ձիթեմին է մյուտոնում, որ օծությամբ «զուարթացուցանէ զհոգիս»:

«Սուրբ ահաւոր անուն» սկսվածքով աղոթքում էլ Հին Ուխտի բոլոր օծությունների և սրբությունների այլաբանական խորհուրդների թվարկմամբ մեկ անգամ ևս շեշտվում է մեռնի դերն ու ճշմանկությունը:

Օրհնվող յուղը, Սուրբ Հոգու շնորհներով պատեղու հայրապետական աղոթք - հայցվածներից հետո, «լիմի բացումն կափարչի կաթսայի մեռոնին»:

Մայր Աթոռի լուսարարապետը բացում է Ս. Մեռոնի կաթսայի կափարիչը և դպիրները երգում են «Բացեր Տէր այսօր զգանձդ երկնային» շարականը և երկնային շնորհները կրող բացված այս զանձի մեջ հայրապետը մախ լցնում է ծաղիկների մյութերը, ապա բալասանը և այնուհետև գալիս է Մյուտոնի օրհնության ամենախորհրդավոր պահը: Մյուտոնաթափ աղավնիով վեհափառը հին մյուտոնն է լցնում մորի մեջ: ԺԱ դարի մատենագիր Ամանիա Սամահեցու

բնորոշմամբ, երբ հիմնվում է մոտիվ, հմի մեջ եղող սրբալույս շնորհը փոխանցվում է մոտիվ:

Քանի որ մյուտոնի միջոցով խորհրդաբար փոխանցվում են Ա. Հոգու շնորհները և որոնք օրհնվող մոր մյուտոնին են խառնվում հմի հեղմամբ, այն պահին, երբ լցվում է հիմը, դողամքում են Մայր Տաճարի զանգերը, «գի լիցի դողում են»: Այսինքն՝ ինչպես երբ Հոգեգալստյան ժամանակ վերանախանք հավաքված առաքյալների վրա իջավ Սուրբ Հոգին և «համկարծակի երկնքից հնչեց մի ձայն» (ԳՈՐԾԻ Բ 2), այնպես էլ հիմն մյուտոնի լցման պահին օրհնվող մոր մյուտոնի Ա. Հոգու շնորհներով պատելն է խորհրդամշտն զանգերի այս դողամքումը:

Քանի որ Մյուտոնը Սուրբ Հոգու շնորհների մշամակն է և Ա. Հոգին Հորդամանում մկրտության ժամանակ աղավաճն իջավ, եկեղեցական համդիսավոր արարողությունների ընթացքում մյուտոնը լցվում է աղավաճն պատրաստված հատուկ ամոթների մեջ, որոնք Մյուտոնաթափ աղավաճն են կոչվում և ունեն թևատարած աղավաճն ձև:

Աղավաճու Ա. Հոգուն խորհրդամշտն համար է ման, որ հիմն մյուտոնը մոտին խառնելիս Վեհափառը երգում է «Առաքելոյ Աղաւնոյ» շարականը:

Գրիգոր Նարեկացին իր ամմահ Մատյանում Սրբալույս Մյուտոնին մկրկված գլխում գրում է, թե այս խնկելի, պաշտելի և երանելի յուղը մարդում որևէ օգուտ, շնորհ չի տա, եթե չտյառնագրվի տեքունական կենսատու խաչով: Եվ հիմն մեռնող խառնելով մորի հետ, Վեհափառ Հայրապետն այնուհետև հաջորդաբար այն տյառնագրում և խառնում է Հայ եկեղեցու ավանդական երեք գլխավոր սրբություններով՝ կենաց փայտով, Աստվածամուխ Ա. Գեղարդով և Գրիգոր Լուսավորչի Աջով, երգելով «Օրհնեսցի և սրբեսցի Միտոնս այս մշամաւ...», որից հետո և ամեն անգամ հիշատակվում է այս երեք սրբություններից մեկը, որով տյառնագրվում և խառնվում է մյուտոնը:

Մյուտոնի պաշտամունքն ունեցող մեր ժողովուրդը Ա. Հոգու շնորհների փոխանցման մյուսական դրսևորումն է համարում այն պահը, երբ հիմն մյուտոնը լցվում է մորի մեջ և տյառնագրվում ու խառնվում Լուսավորչի Աջով, որից հետո, ըստ ժողովրդական ընթմման, մյուտոնը սկսում է եռալ և կաթսան տաքանալ: Դարեր շարունակ բազում արգելքներ ու վտանգներ հաղթահարելով՝ Մայր Աթոռ հասած ուխտավորների ջերմ փափագն է եղել Մյուտոնի կաթսան այդպես տաք տաք համբուրելը:

ՍՐԲԱԼՈՒՅՍ ՄՅՈՒՌՈՆԻ ԺՈՂՈՎՐԴԱԿԱՆ ՊԱՇՏՄԱՌՈՒՆԵՐ

Գարեգին Ա Վեհափառ Հայրապետի բնորոշմամբ «Հայց. եկեղեցւոյ միտոնը հայութեան կնիքն է դարձած՝ ըլլալէ ետք կմիքը Ա. Հոգւոյն: Միտոնով պաշտառացած ճակատին համար կ'ըսենք. «հայո՛ւ ճակատ». միտոնուած մանուկի համար կ'ըսենք. «հայո՛ւ որդի». երբ մկրտութենէն անմիջապէս ետք երեխան դրոշմի օծումն ընդունի իր ճակատին՝ կ'ըսենք. «ահա հիմա հայացաւ»¹⁰:

Մյուտոնն այնքան մկրկական և սրբագործող համարում է ունեցել, որ երեխայի կնքելու բուն եկեղեցական խորհրդին գուգահեռ ժողովուրդը կատարել է և իր արարողությունները, որոնք դարերով հարատևել են հայկական լեռնաշխարհի ազգագրական տարբեր հատվածներում:

Մկրտության ժամանակ երեխային հագցվող զգեստը կոչվել է «մտոն լաթ»¹¹: Այսինքն՝ մկրտության խորհրդում առանձնացվել և շեշտվել է հենց

¹⁰ Գարեգին Ա կաթողիկոս, Հոդ, մարդ ե գիր, Անթիլիաս, 1991, էջ 170:

¹¹ Տե՛ս Կ. Գաբրիկան, Բաղդիք սեբաստահայ զավառալեզվի, Երուսաղեմ, 1952, էջ 399:

մյուտոմի գաղափարը: Եթե քրիստոնեական խորհրդաքանության մկրտությունը մայրական արգանդից մարմնավոր ծնունդից հաջորդող հոգևոր ծնունդն է եկեղեցու ավագանից, ապա հայ մարդու համար այն մասն է երեխայի կնքվելը մյուտոմով: Երվանդ Լալայանի վկայությամբ Արցախի վարամուկայի գավառում մինչ եկեղեցում կատարվում էր մկրտությունը, երեխայի մանկաքարձը (տատմբերը), մկրտության ավագանից մի փոքրիկ շշով մյուտոմաչուր վերցրած, շտապում է տուն, նրանով լվանում ծննդկանի՝ մոր, ձեռքերը, որպեսզի մյուտոմաչուրով մաքրված ձեռքերով գրկի մյուտոմով կնքված իր մանկանը¹²:

Տարածված հաջորդ արտահայտությունը և սովորությունը մեռածահան անելն է: Տարբեր բարբառներում տարբեր կերպ է այն կոչվել. Սեքաստիայում՝ մեռոնեն հանիլ, Գանձակում՝ մեռոնը վեր հանել, մի շարք այլ վայրերում՝ մեռոնջրեն հանել և այսպես շարունակ¹³:

Մեռածահան է անվանվում մկրտությունից հետո երեխային առաջին անգամ լողացնելը: Երեխան, եթե տղա է, լողացնում են երեք, իսկ եթե աղջիկ է՝ յոթը օր հետո: Այս մի քանի օրը երեխային չեն լողացնում, որպեսզի մյուտոնը մարմինը լավ պատի. «աղեկ մը անցնի»: Աղջկան յոթը օր հետո են լողացնում, որ ամաչկոտ և պարկեշտ լինի՝ մյուտոնը երեսին շատ մնա: Այս պատճառով էլ որևէ աղջկա հետագայում, նրա ազատ պահվածքի համար մեղադրելիս, ասում են, թե այնքան է համբուրվել, որ երեսի մեռոնը լուծվել, գնացել է:

Ի տարբերություն աղջկա, տղային ավելի շուտ են լողացնում, որ «ճակտով լլի չամնչէ»¹⁴: Երեխային լողացնելու ջուրն էլ կոչվում է մեռոնաչուր, քանի որ այդ ջուրն առաջին անգամ է շփվում երեխայի մյուտոմված տեղերին: Մյուտոմի հետևողությամբ որոշակի զորություն է վերագրվում և այս քրին: Անթույլատրելի է համարվում այն պարզապես թափելը, այլ լցնում են թոմիոր կամ օջախը, քանի որ ժողովրդական հավատքով սրբաշյուղներ են մասն այս երկուսը: Օտա շրջաններում մեռոնջրին մաքրագործող հատկություն է վերագրվել. կամ առանձին շշով պահել են և նրանով ցողել այն ամանները, որոնց շուրջ ու կատում են լիզել, ինչպես ման եթե մեքը մուկ է ընկել ու որևէ ամանաչուր քան է թափվել, կամ էլ շաղախել են հողով և այդ հողով շփել: Հատկաշնական է մասն, որ մեռոնջուրը սովորական հողին չեն խառնել, այլ հանքային որևէ բաղադրություն պարունակող և գույնով ու բույրի հատկությամբ առանձնացող և ժողովրդի կողմից տարբեր հատկանիշներ վերագրվող հողին¹⁵:

¹² Տե՛ս Ազգագրական հանդես, հտ. A, Օուշի, 1897, էջ 125:

¹³ Տե՛ս Ազգագրական հանդես, հտ. Զ, Թիֆլիս, 1900, էջ 282:

¹⁴ Տե՛ս Ազգագրական հանդես, հտ. Ա, Օուշի, 1895, էջ 271:

¹⁵ Տե՛ս Կ. Գաբիկյան, Բաղդիոր Սեքաստահայ գավառայեզվի, Երուսաղեմ, 1952, էջ 100: